


Ni Presidente
Thomas S. Monson



Dagiti Napateg a Kari ti Libro ni Mormon

Adun a tawen ti napalabas nagtakderak iti abay ti katre ti maysa nga agtutubo nga ama bayat ti pannakiinnagawna iti biag ken patay. Nakatakder iti asideg ti maburiboran nga asawana ken dagiti dua nga annakda. Addaan iti agpakpakaasi a langa, iniggamanna ti imak ket kinunana, “Bishop, dumaniakon a matay. Ibagam kaniak no ania ti mapasamak iti espirituk no matayak.”

Nangipaayak iti naulimek a kararag para iti nailangitan a pannarabay ket nakitak iti lamisaan iti abay ti katrena ti maysa a kopia ti triple a kombinasion. Innalak ti libro ket linukibko dagiti panid. Natakuatak a naigiddato, nga awan ti inaramidko, a nagsardeng ti pannakalukib dagiti panid iti maika-40 a kapitulo ti Alma iti Libro ni Mormon. Imbasak dagitoy a balikas kenkuana:

“Adtoy, naipakaammo kaniak babaen ti anghel, a dagiti espiritu ti amin a tao, apaman a suminada manipud iti daytoy nainlasagan a bagi, . . . maipanda iti balay ti Dios a nangted iti biagda.

“Ket . . . dagiti espiritu dagiti nalinteg iti kasasaad ti kinaragsak, a maawagan iti paraiso, ti panaginana a kasasaad, ti natalna a kasasaad, a paginanaanda iti amin a parikutda ken amin a panagdandanag, ken panagledaang” (Alma 40:11–12).

Bayat ti panangitulyoko a nangbasa maipapan iti

Panagungar, limmawag ti rupa ti agtutubo a lalaki ket maysa nga isem ti nangparagsak kadagiti bibigna. Idi gibusak ti panagbisitak, nagpakadaak iti daytoy naayat a pamilia.

Simmaruno a nakitak ti asawa a babai ken dagiti annak iti punpon. Nalagipko dayta a rabii idi nagpakaasi para iti kinapudno ti agtutubo a lalaki ket, manipud iti Libro ni Mormon, nangngeganna ti sungbat iti saludsodna.

Manipud iti Libro ni Mormon umay pay dagiti daduma a napateg a kari, agraman dagiti kari ti talna, wayawaya, ken dagiti bendision no “agserbi[tayo] iti Dios iti daga, nga isu ni Jesucristo” (Ether 2:12).

Manipud kadagiti panidna umay ti kari ti “awan gibusna a kinaragsak” kadagiti “agtungtungpal kadagiti bilin ti Dios. Ta adtoy, naparaburanda iti amin a banag, a nainlasagan ken naespirituan” (Mosiah 2:41).

Manipud kadagiti panidna umay ti kari ti “di matukod a rag-o” kadagiti agbalin a “[ram]ramit dagiti ima ti Dios” iti panangisalakan kadagiti napateg nga annakna a lallaki ken babbai (Alma 28:8 ; 29: 9).

Manipud kadagiti panidna umay ti kari a maum-mongto ti nasayyasayya nga Israel—iti aramid a pagkariantayo babaen dagiti naindaklan nga aramid a panagmisionario iti intero a lubong (kitaen iti 3 Nephi 16; 21–22).

Manipud kadagiti panidna umay ti kari a bayat ti panagkararagtayo iti Ama iti sagrado a nagan ni Jesucristo, mabendisionanto dagiti pamiliatayo (kitaen iti 3 Nephi 18:21).

Manipud iti panagadal kadagiti panidna umay ti pannakatungpal ti kari ti propeta nga “addanto umay kadagiti biagyo ken kadagiti pagtaenganyo a mainayon a pagrukodan ti Espiritu ti Apo, maysa a napapigsa a pangngeddeng a magna nga agtungpal kadagiti bilinna, ken maysa a napigpigs a pammaneknek maipapan iti kinapudno ti Anak ti Dios.”¹

Ket manipud kadagiti panid ti Libro ni Mormon umay ti kari ni Moroni a babaen ti kararag, pudno a panggep, ken pammati ken Cristo, maammuantayo ti kinapudno dagitoy a kari “babaen ti pannakabalin ti Espiritu Santo” (kitaen iti Moroni 10:4–5).

Kaduak dagiti dadduma pay a propeta iti ud-udina nga aldaw, paneknekak ti kinapudno daytoy “kalintegang iti ania man a libro iti daga,”² a kas iti Libro ni Mormon, ti sabali pay a pammaneknek ni Jesucristo. Agsaknap ti mensahena iti daga ket yegna dagiti mangbasa iti daytoy iti pannakaammo iti kinapudno. Paneknekak a

ti Libro ni Mormon ket mangbalbaliw kadagiti panagbiag. Sapay koma ta basaen ti tunggal maysa kadatayo daytoy ken ulitentayo a basaen daytoy. Ken sapay koma ta sirarag-otayo a mangibinglay kadagiti pammaneknek-tayo maipapan kadagiti napateg a karina kadagiti amin nga annak ti Dios.

DAGITI NAGADAWAN

1. Gordon B. Hinckley, “A Testimony Vibrant and True,” *Liahona*, Ago. 2005, 6.
2. *Teachings of Presidents of the Church: Joseph Smith* (2007), 64.

PANANGISURO MANIPUD ITI DAYTOY A MENSAHE

Kadagiti nasantuan a kasuratan “masarakantayo dagiti pagbatayan ti kinapudno a mangrisut iti tunggal pannakatikaw ken tunggal parikut ken tunggal narikut a kasasaad a pakaipasangan ti familia ti tao” (*Teaching, No Greater Call* [1999], 51). Bayat ti panangibinglayyo iti mensahe ni Presidente Monson iti familia, awisenyo ida a dumngeg kadagiti “napateg a kari” a nakitana iti Libro ni Mormon. Mabalinyo nga ibinglay ti maysa a kari iti Libro ni Mormon a napateg kadakayo.



Pammati • Pamilia • Tulong

No Saantayo nga Agduadua

Adalenyoy daytoy a material, ken no maitutop, paglilinnawaganyoy daytoy kadagiti kakabsat a babbai a sarungkaranyoy. Usarenyo dagiti saludsod a mangtulong kadakayo a mangpapigsa kadagiti kakabsatyo a babbai ken mangaramid iti Relief Society nga aktibo a paset iti bukodyo a biag.

Iti Libro ni Mormon mabasatayo maipapan kadagiti pagulidanan nga agtutubo a lallaki a maingel, natured, ken napigsa unay. “Wen, lallakida iti kinapudno ken kinaparbeng, ta naisuro kadakuada ti panangtungpalda kadagiti bilin ti Dios ken magna a sililinteg iti sangona” (Alma 53:21). Dagitoy napudno nga agtutubo a lallaki ket nangyegda iti pammadayaw kadagiti innada—kadagiti pagwadan ken mannursuroda.

Dagiti inna dagiti mannakigubat ni Helaman ket nagbiagda kadagiti panawen a saan a kas iti panawentayo. Dagiti kasasaadda ket narigat ken napeggad, ken maawagan dagiti agtutubo a mangsalaknib iti pisikal ken naespirituan a wayawaya. Ita nga agdama agbibigtagayo iti lubong a “ti pannakidangangtagayo saan a maibusor iti lasag ken dara, no di ket kadagiti ar-ari, kadagiti mannakabalina, kadagiti agturay iti lubong daytoy a sipngget, kadagiti espiritu ti kinada-kes idiy ngato” (Taga-Efeso 6:12).

Dagiti mapannubok a panawen agkasapulanda kadagiti natitibker a nagannak ken pagwadan a mangisuro iti kinapudno a naammuan dagiti mannakigubat ni Helaman: “No saanda nga agduadua, isalakan ida ti Dios” (Alma 56:47). Ti panangisuro ken panangipagwadan iti daytoy a kinapudno ita nga agdama

ket agkasapulan iti kinamanaganad. Nupay kasta, masapul a ditay agbuteng. No ammotayo no asinotayo ken no asino ti Dios ken nagaramidtagayo kadagiti katulagan Kenkuana, datayo—kas kadagitoy inna dagiti mannakigubat—ket addaanto iti dakkel nga impluwensia para iti nasayaat.

Mabalin a kaaduan, tunggal maysa kadagiti 2,060 a mannakigubat ni Helaman ket inaringan ti maysa nga ina. Ngem dagitoy nga inna ket saanda a nagtignay nga is-isuda. Kaduada dagiti dadduma pay a nalinteg a lallaki ken babbai, dagitoy nga inna ket mabalin a pinagkaysada ti pammati ken pagwadanda tapno maisuro ti bileg dagiti katulagan. Dagiti agtutubo a tattao iti dayta nga aldaw naawatanda ti katulagan nga inaramid dagiti dadakkelda a saanda a makiraman iti gubat. Ken nupay kasla imposible daytoy, maysa a managayat a Nailangitan nga Ama ti nangted iti wagas para kadagitoy a nagannak tapno matungpalda ti katulaganda—ken tapno mapagtalinaedda ti wayawayada (kitaen iti Alma 56:5–9). Kasta met a nasken a dayawentayo dagiti katulagantayo tapno dagiti ubbing ken agtutubo—dagiti bukodtagoy nga annak ken dagiti adda kadagiti ward, branch, agkakaarruba, ken komunidadtagoy—maawatan ken suportaranda ti panangtungpal iti katulagan.

No dayawentayo dagiti katulagantayo, maisagana ti Nailangitan nga Ama ti dalan para kadatayo. Nasken a tungpalentayo dagiti katulagantayo nga addaan kasiguraduan. Kas pagarigan, masigurodotayo ti agkararag, agadal kadagiti nasantuan a kasuratan, ti maaddaan iti agdama a rekomenda ti templo, agkawes iti disente, mangdayaw iti Sabbath. Iti panangaramidtagoy ka-dagitoy, maammuan dagiti annaktagoy ket makunadanto, “Saankami nga agduadua nga ammo dagiti innami daytoy” (Alma 56:48).

Dagiti babbai a Santo iti Uduina nga Aldaw a mangbigbig a ti pigsada ket aggapu iti Pannubbot ti Apo ket saanda a sumuko kabayatantayo dagiti narigat ken makauppapay a panawen. Kas agtungtungpal iti katulagan, nalaingtagoy iti panangitandudo, panagpatan-ay, ken panangsaluad kadagiti ubbing ken agtutubo tapno iti maysa nga aldaw makunatayo maipapan iti daytoy tumantanor a henerasion, “Diak pay nakakita iti napingpinget, saan, uray pay kadagiti amin” (Alma 56:45).

Ni Julie B. Beck, sapasap a presidente ti Relief Society.

Manipud kadagiti Nasantuan a Kasuratan

Alma 53; 56–58

Ania ti Maaramidko?

1. Kasano a matulongak dagiti kakabsatko a babbai a mangbigbig ken agtignay iti bileg nga adda kadakuada tapno maaringanda ti tumantanor a henerasion.

2. Ania a pammaregta ti masakak iti Libro ni Mormon tapno masungbatak dagiti pannubok a sangsanguek ita nga agdama?

Para iti ad-adu pay nga impormasion, mapan iti www.reliefsociety.lds.org.